

E po' che resta
si nun serveno parole
pe' dicere ch'e fernuto
e nun ce sta' cchiù niente 'a fa'
pecche so' muorto
sotto `e botte
d' 'o fuoco 'e Piedigrotta
dint' a 'sta divisa
mmiezo a 'sta guerra acciso
cu 'na carezza `mbraccio
cu tutte 'sti culure
dint' all' uocchie
cu tutti 'e pensieri `nfaccia
Teneva sule vint' anne
e gia nisciuna speranza
teneva sule vint' anne
e nisciuna paura
Quanno `o 'infamo
dette 'a voce, erano 'e tre
comme 'e belve c' arrivajne
ma isso 'e steve aspettanno
senza scennere da' croce
ca ce vo' curaggio
a dicere a 'na mamma
chi cummanna sta tradenno
e tu perduonale a 'stu figlio
ca nun sape cchiu' pazzia'
ca nun se ne po' jre
ca nun vo' cchiu' fujre
Teneva sule vint' anne
e gia nisciuna speranza
teneva sule vint' anne
e nisciuna paura
E po' che resta
'e tutte 'e cose
ca nun c'abbasta tiempo
pe' capi' 'sti lacrime,
mo' ca me so' perzo
miezo a 'sti viche nire
se sente sule nu lagno
e nu sorriso ca me dice
t'accumpagno
t'accumpagno je
e 'o core, trova pace